



2021-1

16. juni 2021

All. nr./notatnr.:

2021-809-0001-12

Sull./sagsbeh.: AG/jh

Pilerisaarutininik politikikkikut isummanik saqqummiussinermik imalinnik saqqummiussinerup inerteqqutiginiissaanut periarfissaqanngilaq

Oceans North Greenlandip videoliaata "Aalisarnerup siunissaanik qulakkeerinninneq: Qalerallit inuiaqatigiinnut kalaallinut pingaarutaat" KNR-ip innuttaassunut paasissutissiiviani aallakaatinneqarnissaa Oceans North Greenlandip 18. december 2020-mi KNR-imut 18. december 2020-mi isumaqatigiissutigaa

Video aallakaatinneqarsinnaanersoq KNR-ip Ilinniartitaanermut, Kulturreqarnermut, Timersornermut Ilageeqarnermullu Naalakkersuisoqarfik apeqqutigaa. Naalakkersuisoqarfik tamanna tunngavigalugu aalajangiivoq video, videop politikikkikut isummanik saqqummiussinernik pilerisaarutininut nalunaarummi § 17, imm. 2-mi inerteqqutaasunik imaqarnera pissutigalugu, tv-kkut aallakaatinneqarpat tamanna inatsimmik unioqqutitsinerussasoq.

Aalajangiineq eqqartuussissuserisup Jonas Christorffersenip Oceans North Greenland sinnerlugu Ombudsmandimut naammagittaalliutigaa, ilaatigullu oqaatigalugu pilerisaarisarneq pillugu nalunaarummi § 17, imm. 2 radio tv-lu pillugit inatsimmik tunngaveqanngitsoq.

Nalunaarutip imarisaa pineqartoq piginnaatitsissutitut aalajangersakkanik nalunaarutit pineqartut aalajangersarneqarnerannut tunuliaqutaasunik aammattaaq tunngaveqassaaq. Nalunaarut inatsisip piginnaatitsine-

ranit annertunerusumik atuuffeqartoq inatsisikkut tunngavimmik amigaaateqartarpoq.

Ombudsmandip paasinninnera unaavoq radio tv-lu pillugit inatsit imatut paasineqarsinnaanngitsoq, tassalu Naalakkersisut politikikkut isummanik pilerisaarutitut saqqummiussinerup inerteqqutigineqarneranik nalunaarutikkut aalajangersaanissaminut inatsisiliortunit piginnaatinneqarsimasut.

Ombudsmandi tamanna tunngavigalugu isumaqarpoq radio aamma tv pillugit inatsit pilerisaarutit pillugit nalunaarummi § 17, imm. 2-mi politikikkut isummanik pilerisaarutitut saqqummiussinissamut inerteqqutip, Naalakkersuisoqarfiup aalajangiinermi tunngavigisaaniittup, aalajangersarnissaanut periarfissiinngitsoq.

(Oqaaseqaat 16. juni 2021-meersoq, j.nr. 2021-809-0001)

Ombudsmandip oqaaseqaataa:

1. Suut misissorpakka?

1.1. Suliamik suliarinninninni Naalakkersuisoqarfiup aalajangiinera 19. februar 2021-meersoq isummerfiginiarlugu aalajangerpunga, tassanngalu er-serpoq Oceans North Greenlandip videoliaa pilerisaarutit pillugit nalunaarummi § 17, imm. 2-mik unioqqutitsisusooq, taamaattumillu KNR-ip innuttaasunut paasissutissiiviani saqqummiunneqassanngitsoq.

Pilerisaarutit pillugu nalunaarummi § 17, imm. 2-mik aalajangersaanissamut radio tv-lu pillugit inatsimmi inatsisikkut tunngavissaqarnerooq tamanna tunngavigalugu misissorpara.

1.2. Oqaatigaara eqqartuussissuserisup Jonas Christoffersenip naammagittaalliutigisaasa sinneri, matumani Oceans North Greenlandip videoliaa poli-

tikkikkut isummanik imaqarnerseq ilanngullugu eqqarsaatigalugu, isummerfi-ginngikkikka.

Inatsisartut Ombudsmandiat pillugu Inatsisartut inatsisaanni nr. 7-imi, 1. juni 2017-imeersumi § 14, imm. 1 innersuussutigaa, tassuunalu aalajangersar-neqarpoq naammagittaalliuut misissuineramik aallartitsinermut pissutigissal-lugu naammannersoq Ombudsmandip aalajangissagaa.

1.3. Oqaaseqaatiga imatut tulleriinnilerneqarpoq:

- Immikkoortoq 2: Suliaq pillugu naatsumik oqaatigisassat
- Immikkoortoq 3: Naalakkersuisoqarfiup KNR-imut e-mailia
- Immikkoortoq 4: Oceans North Greenlandip videoliaa pilerisaarinermillu oqartarneq
- Immikkoortoq 5: Inatsiseqartitsinikkut tunngavigisaq
- Immikkoortoq 6: Naalakkersuisoqarfiup isumaa
- Immikkoortoq 7: Uanga naliliinera

Danmarkimi atuakkiaasimasut Folketingillu Ombudsmandiata periaasia oqaa-seqaatinni arlalitsigut aallaavigisarpakka, Kalaallimmi Nunaanni inatsiseqar-titsinikkut tunngaviup Danmarkimi inatsiseqartitsinikkut tunngavik pingaar-nerusutigut assigimmagu, innersuussutitut taaneqartunit ersertutut.

Oqaatigaara suliap ingerlasimanerata allaaserineqarnera oqaaseqaammut tulliummat.

2. Suliaq pillugu naatsumik oqaatigisassat

Oceans North Greenlandip videoliaata "Aalisarnerup siunissaanik qulakkee-rinnineq: Qalerallit inuiaqatigiinnut kalaallinut pingaarutaat" KNR-ip innut-taasunut paasissutissiiviani aallakaatinneqarnissaa Oceans North Greenlandip KNR-imut 18. december 2020-mi isumaqatigiissutigaa.

KNR-ip Oceans North Greenland e-mailikkut 19. februar 2021-meersukkut nalunaarfigaa Oceans North Greenlandip videoliaa KNR-ip innuttaasunut paasissutissiiviani aallakaatinneqarsinnaajunaartoq, videommi pilerisaarutit pillugit nalunaarummi § 17, imm. 2 unioqqutimmagu.

KNR-ip nalunaarutaa e-mailikkut nassiunneqarpoq, tassanilu video KNR-ip innuttaasunut paasissutissiiviatigut aallakaatinneqarpat tamatuma pilerisaarutit pillugit nalunaarummi § 17, imm. 2-mik unioqqutitsisuunissaanik Naalakkersuisoqarfiup naliliinnera KNR-ip innersuussutigalugulu issuarpaa.

Oceans North Greenlandip videoliaata KNR-ip innuttaasunut paasissutissiivianit peerneqarnissaanik aalajangiineq eqqartuussissuserisup Jonas Christoffersenip Oceans North Greenland sinnerlugu uannut 25. februar 2021-mi naammagittaalliutigaa. Eqqartuussissuserisup Jonas Christoffersenip naammagittaalliumminut ikorfartuutitut ilaatigut oqaatigaa pilerisaarutit pillugit nalunaarummi § 17, imm. 2 radiu aamma tv pillugit inatsimmik tunngaveqanngitsoq.

Naalakkersuisoqarfik 9. marts 2021-mi qinnuigaara suliami allagaatit uannut nassiuteqqullugit kiisalu pilerisaarutitut nalunaarummi § 17, imm. 2 radio aamma tv pillugit inatsimmi suna tunngavigalugu Naalakkersuisoqarfiup aalajangersarsimaneraa nassuiaqqullugu.

Naalakkersuisoqarfiup suliami allagaatit suliarlu pillugu oqaaseqaat uannut 19. marts 2021-mi nassiuppai. Naalakkersuisoqarfiup oqaatigaa pilerisaarutit pillugit nalunaarutip inatsisitigut tunngavigisai tassaasut radiokkut tv-kkullu aallakaatitsisarneq pillugu Inatsisartut peqqussutaanni nr. 6-imi, 14. november 2004-meersumi aalajangersakkat arlallit.

3. Naalakkersuisoqarfiup KNR-imut e-mailia

E-maili Oceans North Greenlandip videoliaanut tunngasoq KNR-ip Naalakkersuisoqarfimmut 18. februar 2021-mi nassiuppaa. KNR e-mailimi ilaatigut imatut allappoq:

“[...]”

Apeqquutissara tassaavoq politikkimut attuumassuteqarneris, taamaattumillu KNR tv aqutigalugu aallakaatinneqartariaqarani imaluunniit aallakaatinneqarsinnaanerinut assuarnaannera naammanneris?” (Ombudsmandeqarfimmi nutsigaavoq)

KNR-ip apeqquataa Naalackersuisoqarfiup e-mailikkut 19. februar 2021-meersukkut akivaa. Naalackersisoqarfik ilaatigut imatut allappoq:

“Naalackersuisoqarfiup linki nassiunneqartoq maanna misissoreerpaa, Namminersorerullutillu Oqartussat nalunaarutaanni nr. 8-mi, 5. juli 2006-imeersumi § 17, imm. 2-mik unioqqutitsineq pineqarneris, tassalu assersuutigalugu politikkimut tunngasutigut isummat (qinersineq pillugu aallakaatitat pineqanngippata, suliamilu matumani taamaattoqanngilaq) tv-kkut pilerisaarutigeqqusaannginnerat pillugu apeqquut nalilerlugu.

[...]

Allatut oqaatigalugu ilanngutassiaq aalisarnek pillugu politikkimut aalajangersimsumut isummanik siuarsaataasunik ikorfartuisunillu imaqarpoq.

Taamaattumik ilanngutassiaq tv-kkut aallakaatinneqassappat tamanna inatsimik unioqqutitsinerussaaq. (Ombudsmandeqarfimmi nutsigaavoq)

KNR-ip Oceans North Greenland tamanna tunngavigalugu 19. februar 2021-mi nalunaarfigaa video KNR-ip innuttasunut paasissutissiisarfiani aallakaatinneqarsinnaanngitsoq. Naalackersuisoqarfiup e-mailia KNR-ip Oceans North Greenlandimut e-mailimini tamatumunnga atatillugu ilannguppaa.

Taamaalilluni Oceans North Greenlandip videoliaata imarisaa inatsiseqartitsinikuulluunniit tunngavigisaa Naalackersuisoqarfiup saqqummiussaa KNR-ip nammineerluni isummerfiginngilaa. Naalackersuisoqarfiup inatsiseqartitsinermik paasinninnera KNR-ip ingerlateqqillugu oqaatigiinnarpaa, videolu

KNR-ip innuttaasunut paasissutissiisarfianit tamanna tunngavigalugu peerlugu.

Uanga paasinninnera unaavoq Naalackersuisoqarfiup e-mailia Oceans North Greenland eqqarsaatigalugu aalajangiinertut isigisariaqartoq, naak e-maili aalajangiinertut isikkoqanngikkaluartoq, Naalackersuisoqarfiullu inatsiseqartitsinermik paasinninnera KNR-imut saqqummiunneqarsimagaluartoq.

Naalackersuisoqarfiup e-mailiata inatsit tunngavigalugu ingerlatsinermi oqartussaasumit inatsiseqartitsineq atuuttoq tunngavigalugu pisortat aamma Oceans North Greenlandip akornanni inatsiseqartitsinermut tunngasoq pineqartoq pillugu suliffeqarfimmut sammititaasumik oqaaseqaateqarnissaminut pisinnaatitaasumeernera, suullu pisumi pineqartumi inatsiseqartitsinermi atuuttuuneranik illuinnaanit aalajangersaasuunera naliliininni pingaartillugit isiginiarpakka.

Naalackersuisoqarfiup KNR-imut nakkutilliinermi oqartussaasuunera naliliininni aammattaq pingaartillugu isiginiarpara, tak. radio tv-lu pillugit inatsimmi § 54, imm. 1. Aalajangersakkami tassani makku aalajangersarneqarput:

§ 54. Naalackersuisut nakkutigisaraat KNR-ip aamma radioqarfiit tv-qarfiillu al-lat radiukkut tv-kkullu aallakaatitsinermut maleruagassanik eqquutsitsinersut. Inatsisartut inatsisaannik, Inatsisartut inatsisaat malillugu aalajangersakkanik akuersissuteqarnenilu malitassanik unioqqutitsinerit Naalackersuisunit uparuarneqarsinnaapput.

Imm. 2. Naalackersuisut nakkutilliinermi atugassaminnik KNR aallakaatitsinnaanermullu akuersissummik pigisaqartoq piumasaqaateqarfigisinnaavaat ingerlatsiviup ingerlatsineranut paasissutissanik tunniusseqqullugu.”

Kiisalu KNR-ip pilerisaarutip imarisaa pillugu Naalackersuisoqarfiup aalajangiineranik malinninngikkuni pillaammik akiliisussanngortinneqarsinnaanera pingaartillugu isiginiarpara. Radio tv-lu pillugit inatsimmi § 55, imm. 1, nr. 5, tak. § 50, imm. 1, nr. 2.:

§ 55. Akiliisinneqarsinnaavoq:

[...]

5) § 50, nr. 1 aamma 2 malillugit aalajangikkanik sumiginnaasoq,”

”§ 50. Naalakkersuisut makkununnga aalangiisassapput:

[...]

2) Radiokkut tv-kkullu pilerisaarutit imarisaat, tak. § 46. Maleruagassanik unioq-qutitsinerit Naalakkersuisunit uparuarneqarsinnaapput aammalu KNR imaluunniit aallakaatitsinissamut akuersissummik pigisaqartoq peqqusinnaallugu aalangiineq avammut saqqummiutissagaa. Naalakkersuisut aalajangersinnaavaat taman-na qanoq iliorluni qanorlu isikkoqarluni saqqummiunneqassanersoq.”

Niels Fengerip atuakkiaani “Forvaltningsret”-imi (2018-imeersumi) quppernerit 88 tulliiilu aammattaaq innersuussutigaa.

4. Oceans North Greenlandip videoliaa pilerisaarinermillu oqartarneq

Eqqartuussissuserisup Jonas Christoffersenip naammagittaalliumminut ikorfartuutit ilaatigut oqaatigaa Oceans North Greenlandip videoliaa pilerisaarutitut pissuseqanngitsoq.

Naalakkersuisoqarfik allakkatigut 9. marts 2021-meersutigut qinnuigaara manna pillugu oqaaseqaateqaqqullugu, tassalu Naalakkersuisoqarfiup paa-sinninnera unaanersoq Oceans North Greenlandip videoliaa pilerisaarutaasoq kiisalu radio tv-lu pillugit inatsimmi § 44, imm. 1, nr. 2-mi pineqartunut ilaatinneqarsinnaasoq.

Radiomi tv-milu pilerisaarutit qanoq paasineqarnissaat imaattoq radio tv-lu pillugit inatsimmi § 44-kkut aalajangersarneqarpoq:

”§ 44. Radiomi tv-milu pilerisaarutit imatut paasineqassapput:

1) Nioqqutissanut, kiffartuussinernut suliffeqarfiillu iluanaarniarnissamik siunertaqartut kaammattuutit nersorinninnerillu, aallakaatitassiamut akiliuteqartoqarsimagaluarpalluunniit.

2) Aningaasarsiornikkut soqutigisaqaqatigiit pillugit ilisimatitsissutit isummanillu saqqummiussinerit, assersuutigalugu inuussutissarsiuteqartut kattuffii, sulisitsisut

kattuffii sulisartullu peqatigiiffii pillugit aammalu upperisarsiornikkut paasissutisiinerit politikikkulluunniit isummiussat, peqatigiit taakkua isumaasa siuarsarneqarnissaat kaammattuutigineqarnissaallu siunertaralugit, aallakaatitassiamut aki-liuteqartoqarsimagaluarpalluunniit.

Imm. 2. Pilerisaarutit ilumut taamaattuunerat paasineqarsinnaasunngortinneqassaaq, taamaalilluni imarisaat saqqummiunneqariaasiallu aallakaatitanit nalinginnaasunit allaanerulluni."

Naalakkersuisoqarfiup akissutaa 19. marts 2021-mi tiguara, Naalakkersuisoqarfillu tassani ilaatigut imatut allappoq:

"Pilerisaarut pineqarnersoq pillugu apeqqummut tunngatillugu tv-kkut ilanngutasiami ilaatigut maannakkut aalisarnerni ajornartorsiutinik aaqqiinarnerni ilisimasat aamma uumassusilerituut najukkanilu suleqataasut suleqatigineqarnerat tunngavigalugit pisassiissutaasunik malinnittalernissap tungaanut sulinerit ilanngunneqartut takuneqarsinnaasoq oqaatigineqassaaq.

[...]

Pilerisaarineq pineqartoq tamanna tunngavigalugu radio aamma tv pillugit inatsimmi § 44, imm. 1, nr. 2 tunngavigalugu nalilerlerneqarpoq."

Taamaalilluni Naalakkersuisoqarfiup paasinninnera unaavoq Oceans North Greenlandip videoliaa pilerisaarutaasoq, tassungalu pilerisaarisarneq pillugu malittarisassat atuuttut. Tamanna misilinnagu uanga paasinninninnut tunngaviutippara.

Radio tv-lu pillugit aalajangiisartut radiomik TV-millu ingerlatsineq pillugu Inatsisartut peqqussutaata allanngortinnera pillugu Inatsisartut peqqussutaatigut nr. 3-kkut, 19. maj 2010-meersukkut atorunnaarsinneqarnerat tamatumunnga atatillugu innersuussutigaara. Peqqussummi tassani § 1 pillugu oqaaseqaatinit ilaatigut makku erserput:

"Allannguutissatut siunnersuutip kingunerissavaa Inatsisartut peqqussutaanni atuuttumi allaqqasut tunngavigalugit Radio tv-lu pillugit aalajangiisartut suliaat aalajangiisinnaanerillu arlaqartut tassanngaanniit qitiusumik ingerlatsivimmut nuun-

neqarnissaat, tassa siunissami Naalakkersuisoqarfiup tamakkununnga akisussaa-
sup suliassat tamakku tigussagai. Tamatumani naalakkersuisoqarfik pineqartoq
tassaavoq Kultureqarnermut, Ilinniartitaanermut, Ilisimatusarnermut Ilageeqar-
nermullu Naalakkersuisoqarfik.”

Peqqussummi §-imi tassani imm. 8 pillugu oqaaseqaatinit ilaatigut makku er-
serput:

“Aalajangersakkap kinguneraa radiokkut tv-kkullu ussassaarutitut aningaasaliis-
suteqarnermullu tunngatillugu maalaarutit siunissami Naalakkersuisunut ingerla-
tinneqartalissammata, ingerlatitsiffissarlu tassaalluni Kultureqarnermut, Ilinniarti-
taanermut, Ilisimatusarnermut Ilageeqarnermullu Naalakkersuisoqarfik, tassa
siunnersuut aallaavigalugu maalaarutitik suliaqartussa.”

Taamaattumik uanga paasinninnera unaavoq Oceans North Greenlandip vi-
deoliaata pilerisaarutaanerani Naalakkersuisoqarfiup naliliinera, tak. radio
tv-lu pillugit inatsimmi § 44, imm. 1, nr. 2, misilinnagu tunngaviutinneqarsin-
naasoq.

Folketingip Ombudsmandiata suliame FOB 1991.120-mi oqaaseqaataa tama-
tumunnga atatillugu innersuussutigaa, tassani Danmarkimi “Radio og TV-
Reklamenævn”-ip ilanngutassiaq “Husk kondom når der er knald på” pileri-
saarutitut ilanngutassiatut isigineqassasoq tunngaviutippaa. Oqaaseqaam-
mit erserpoq Danmarkimi “Radio og TV-Reklamenævn”-ip isiginninnera Fol-
ketingip Ombudsmandiata misilinnagu tunngaviutikkaa, tassami oqartussaa-
sut missingiussillutik naliliinerinik isornartorsiuineq Ombudsmandip pigin-
naatitaanerisa avataanniimmat.

Apeqqut taanna oqaaseqaammi matumani sammeqqissanngilara.

5. Inatsiseqartitsinikkut tunngavigisaq

5.1. Nalunaarutitik aalajangersaasarneq

5.1.1. Nalunaarutit tassaapput aqutsinermik ingerlatsinermi aalajangersak-
kat, innuttaasut ataatsimut malittarisassaannik aalajangersaasut.

Nalunaarutit ileqqusoq imaluunniit pissutsit aaqqissuussaannermut tunnga-
sut tunngavigalugit qaqutigoortumik aalajangersarneqarsinnaapput, nalu-
naarutilli amerlanerpaartaat inatsimmik tunngaveqarluni aalajangersarne-
qartarput, tassami inatsisit amerlanersaat piginnaatitsissutitut aalajanger-
sakkanik, inatsisiliortunit aalajangersarneqartunik inatsisip oqaasertaanut ta-
piliussatut malittarisassanik oqartussaasut aalajangersaanissaannut periar-
fissiisunik imaqarmata.

Naalackersuisut Namminersorlutik Oqartussani inatsisiliorneq pillugu tunaar-
tarisassiaanni (2011-meersumi) nutarterlugu pingajussaanik naqiterneqartu-
mi quppernerit 66 tullialu aamma quppernerit 77 tullialu innersuussutigaak-
ka.

Justitsministereqarfiup aqutsinermi allaffissornikkut maleruaqqusanik sulia-
rinnittarneq pillugu ilitsersuusaa nr. 153, 22. september 1987-imeersoq
aammattaaq innersuussutigaara, tassanilu Danmarkimi nalunaarutininik aala-
jangersaasarnermi tunaartarisassat sukumiisut oqaatigineqarlutik.

Nalunaarutininik aalajangersaanermi ingerlatsiviup inatsisiliortutut pissaaner-
mik allamut isumagisassanngortitsisarnermi ataatsimut killissat inatsiseqar-
titsinermilu sakkortusisitsiartuaarluni tulleriinnilersuinermi tunngaviit inatsi-
seqartitsinermi malittarisassap malittarisassamut qulliunerusutut inissisima-
sumut assortuuttuusussaannnginneranik nassataqartoq ataqqisussaavai.

Ataatsimut killissat taakkua saniatigut nalunaarutip imarisai pineqartut pigin-
naatitsisarneq pillugu aalajangersakkat nalunaarutininik pineqartunik aalaja-
ngersaanermi tunuliaqutaasut aqutigalugit inatsisikkut tunngavissaqassap-
put. Nalunaarut inatsimmi piginnaatitsissutinit annertunerusumik atuuffe-
qartoq inatsisikkut tunngavissamik amigaateqartarpoq, taamaattumillu ta-
makkiisumik ilaannakortumilluunniit atuussinnaassuseqartarani.

Jens Peter Christensenip, Jørgen Albæk Jensenip og Michael Hansen Jensenip atuakkianni "Dansk Statsret"-imi (2012-imeersumi), quppernerit 176 tullilu aamma Max Sørensenip atuakkianni "Statsforfatningsret"-imi (1977-imeersumi), quppernerit 216 tullialu tamatumunnga atatillugu innersuussutigaakka.

5.2. Nalunaarutininik aalajangersaanissamut piginnaatitsissutit

5.2.1 Nalunaarutininik aalajangersaanissamut piginnaatitsissut pineqartoq qanoq annertutigisumik atuuffeqarnerisooq oqaatigissallugu nalorninarsinnaasooq inatsiseqartitsinerimi periaatsip takutippaa.

Højesteretsip eqqartuussutaani Ugeskrift for Retsvæsen 1941-mi quppernerimi 1076-imi aamma Ugeskrift for Retsvæsen 1998-imi quppernerimi 1639-mi issuarneqartut innersuussutigaakka.

Piginnaatitsinerup atuuffiata qanoq annertutigineranik paasiniaaneq inatsikut tunngavigisap qanoq paasineqarnissaanik nalinginnaasumik nassuiaanerimik tunngaveqarpoq. Malittarisassamik aalajangersimasumik nalunaarutikut aalajangersaanissamut piginnaatitsissutip inatsisikkut naammattumik tunngavissaqarneranik apeqqutip qanoq paasineqarnissamik nassuiaanerimi pingaarnertut isuma nalunaarutip aalajangersagartaani ataasiakkaaniippoq. Akuliunneq innuttaasooq eqqarsaatigalugu annertusiartortillugu malittarisassamik pineqartumik nalunaarutikkut aalajangersaanissamut piginnaatitsissut ersarinnerujartortinneqartussaavoq.

Nalunaarutit innuttaasunut inatsisikkut aalajangersarneqartunit annertunerisumik inatsiseqartitsinikkut nanertuisuusut inatsisikkut erseqqissumik qularnaatsumillu tunngavissaqarluni aatsaat aalajangersarneqarsinnaanerit aammattaq atuuppoq. Taamaalilluni inatsisikkut piginnaatitsissummi erseqqiluinnaartumik takuneqarsinnaassaaq taassuma oqartussaasup nalunaarutininik suliassaqarfiit aalajangersimasut iluanni aalajangersaanissaanut imaluunniit nalunaarutininik siunertat aalajangersimasut anguniarlugit aalajangersaanissaanut periarfissiisooq.

Jens Peter Christensenip, Jørgen Aalbæk Jensenip aamma Michael Hansen Jensenip atuakkiaanni "Dansk Statsret"-imi (2012-imeersumi) quppernerit 176 tulluilu aamma Peter Germerip atuakkiaanni "Statsforvaltningsret"-imi tallimassaanik naqitertinneqartumi (2012-imeersumi) quppernerit 121 tullialu tamatumunnga atatillugu innersuussutigaa.

5.3. Pilerisaarutit pillugit nalunaarummi § 17, imm. 2

5.3.1. Pilerisaarutit pillugit nalunaarummi § 17, imm. 2 imaattunik oqaasertaqarpoq:

"§ 17. Upperisarsiornermik suliaqartut, politikikkut partiit, kattusseqatigiit, kattuffiit kisimiillutillu qinigassanngortittut pillugit pilerisaarutinik tv-mi aallakaatitsisoqassanngilaq, taamaattorli tak. imm. 3.

Imm. 2. Tv-mi reklaminut ilanngunneqartassanngillat upperisarsiornermut politikimullu tunngasutigut isummat, taamaattorli tak. imm. 3.

Imm. 3. Imm. 1-imi aamma imm. 2-mi aalajangersagaq qinersinerit pillugit aallakaatitanik taagorneqartunik, tassa qinersineq pillugu aallakaatitaq ilanngussanik politikikkut partiimit aallakaatitassiarineqarsimasunik akilernerneqartunillu imaqarpat, aallakaatitsinissamut akornutaanngilaq."

Radio aamma tv pillugit inatsimmi § 47 Naalakkersuisut piginnaatinneqarnerat pillugu imaattunik aalajangersaavoq:

"§ 47. Pilerisaarutit aallakaatitassiornermi qanoq ittumik ilanngunneqartarnissaat Naalakkersuisut malittarisassiuussinnaavaat, matumani ilanngullugit pilerisaarutit suunerannik uppersaanerermut, inissisimanerannut, oqaasiinut imarisaannullu aammalu qanoq annertussuseqarnissaannut maleruagassat. Tamatumunnga atatillugu pilerisaarutit meeqqanut sammitinneqartut inissinneqarnissaannut aamma nioqqutissanik meeqqanut tunngasunik pilerisaarutinut Naalakkersuisut malittarisassiuussisinnaapput."

Radio aamma tv pillugit inatsimmi § 47 pillugu oqaaseqaatit imaattunik oqaasertaqarput:

“Aalajangersagaq Inatsisartut peqqussutaata atuuttup § 53-iata ingerlateqqin-neraa, tasanilu Naalackersuisut pisinnaatinneqarput pilerisaarutit pillugit nalunaarusiakkoortumik maleruagassiornissaminnut.

Aalajangersakkap Naalackersuisut periarfissippai pilerisaarutit pillugit erseqqin-nerusunik maleruagassiorsinnaanerannut. Erseqqissarneqarportaaq pilerisaarutit suunerinik uppersaanermit, inissinneqarfissaannut, oqaasiinut imarisaannullu tunngasutigut maleruagassiortoqarsinnaasoq, kiisalu Naalackersuisut pilerisaarutit meeqqanut tunngasunut aamma maleruagassiorsinnaasut. Assersuutitut taanna innersuussutigalugu maleruagassiortoqarsinnaavoq “katitikkat”-tut ittut pilerisaarutit imaqarsinnaasut aallakaatitsinermi ilanngunneqarsinnaasunik. Inatsisartut peqqussutaanni maannamut atuuttumi pisinnaatitsissut taassuma assinga atornerqarnikuvoq radiomi tv-milu pilerisaarutit aningaasalersuinerillu pillugit Namminersornerullutik Oqartussat Nalunaarutaanni nr. 8-mi, 5. juli 2006-i-meersumi.”

Tamatuma saniatigut pilerisaarutit inerteqqutigineqarnerat radio aamma tv pillugit inatsimmi § 46-mi imatut aalajangersarneqarpoq:

“**§ 46.** Nakorsaait, tupat, immiaaqqat, viinnit imigassallu kimittuut pilerisaarutit ilanngunneqaqqusaanngillat, taamaattorli tak. imm. 3.

Imm. 2. Taamattaq upperisarsioqatigiit aamma politikikkut partiit, kattusseqatigiit kisimiillutillu qinigassanngortittut taakkuluunniit suleqatigiiffii tv-kkut pilerisaarutit ilanngunneqaqqusaanngillat, taamaattorli tak. imm. 3.

Imm. 3. Naalackersuisut imm. 1-imi 2-milu inerteqqutit avaqqunneqarsinnaaneri pillugit maleruagassiorsinnaapput.

Radio tv-lu pillugit inatsimmi § 46, imm. 2 pillugu oqaaseqaatit imaapput:

“[...]

Imm. 2-mut. Aalajangersakkami erseqqissarneqarpoq politikikkut partiit, kattusseqatigiit, kisimiillutik qinigassanngortittut taakkulu suleqatigiiffii aamma tv-kkut pilerisaarutigineqassanngitsut. Aalajangersakkamut tunngavigineqarpoq tv-p sunniuteqartorujussuunera.”

Pilerisaarutit pillugit nalunaarummi § 17, imm. 2 ilaatigut radio aamma tv pillugit inatsimmi § 47, radiokkut tv-kkullu aallakaatitsisarneq pillugu Inatsisartut peqqussutaanni nr. 6-imi, 14. november 2004-meersumi taamani atuuttumi § 53-ip allanngortinnagu ingerlateqqinneqarnera tunngavigalugu aalajangersarneqarpoq.

6. Naalackersuisoqarfiup isumaa

6.1. Naalackersuisoqarfiup uannut oqaaseqaammimi 19. marts 2021-meersumi ilaatigut makku oqaatigai:

“Ombudsmandip pilerisaarutit pillugit nalunaarummi § 17, imm. 2-mut tunngatillugu inatsisitigut tunngavigisaq pillugu apeqqutaanut tunngatillugu pilerisaarineq pillugu nalunaarummi radiokkut tv-kkullu aallakaatitsisarneq pillugit Inatsisartut peqqussutaanni nr. 6, 14. novembari 2004-meersumi aalajangersakkanik arlalinnik inatsisitigut tunngavissaqartoq oqaatigineqassaaq (§ 52, imm. 3, § 53, § 54, imm. 8, § 55, 56, imm. 3 aamma § 59, imm. 2).

[...]

Tamatumunnga ilassutitut radiokkut tv-kkullu aallakaatitsisarneq pillugu Inatsisartut peqqussutaanni nr. 6, 14. novembari 2004-meersumi § 53-imi ilaatigut pilerisaarutit imarisaat pillugit malittarisassat Naalackersuisut aalajangersarsinnaagaat ersarissumik allassimavoq, tamatumanilu aalajangersakkat oqaasertai aallaavigalugit pilerisaarutit imarisaat pillugit ilassutitut malittarisassanik allaffissornikkut aalajangersaasoqarsinnaalerpoq, tassunga ilanngullugit assersuutigalugu aalajangersimasumik aallakaatitsisarnermi (TV) imarisat aalajangersimasut assersuutigalugu pilerisaarinerit inerteqqutigineqarsinnaallutik. Tamanna paasinnittaatsimit “pilerisaarutit imaannik” nalinginnaasumik nassuiaanermi aamma aalajangersaaneq politikki pillugu isummertarnermut tunngasumik pilerisaarinermut tunngasinnaavoq.

Aammattaq Naalackersuisut ilaatigut pilerisaarutit imarisaat pillugit malittarisassanik aalajangersaasinnaatitaanerat pillugit Inatsisartut inatsisaanni atuuttumi § 47-mik nassuiaammi manna tikillugu Inatsisartut peqqussutigisaanni taamatut assingusumik pisinnaatitaaneq radiomi tv-milu pilerisaarutinik aallakaatitassianillu

aningaasalersuisarnerit pillugit Namminersornerullutik Oqartussat nalunaarutaan-
nik nr. 8, 5. juli 2006-imeersumik saqqummiussinermi atorneqarsimavoq.”

7. Uanga naliliinera

7.1. Uanga paasinninnera unaavoq radio tv-lu pillugit inatsimmi § 47-p na-
linginnaasumik qanoq paasinninnissamik nassuiaatitaa paasinninnermik i-
maattumik nassataqartariaqartoq, tassalu piginnaatitsissutitut aalajangersa-
gaq pineqartoq pilerisaarutit pillugit nalunaarummi § 17, imm. 2-mi ersertu-
tut isummanik politikkimut tunngasunik saqqummiussat inerteqqutigini-
saannik aalajangersaanissamut periarfissiinngitsaq.

Immikkoortumi 3.1.1-imi oqaatigineqartutut politikikkut partiit pilerisaaruti-
gineqarnissaannik inerteqqut radio tv-lu pillugit inatsimmi § 46, imm. 2-kkut
aalajangersarneqarpoq.

Radio tv-lu pillugit inatsimmi § 46, imm. 2 politikikkut isummat pillugit pile-
risaarutitik inerteqqummik politikikkut partiit, kattusseqatigiit kisimiillutillu
qinigassanngortittut taakkuluunniit suleqatigiiffii pillugit pilerisaarutitut nas-
suarneqartumik aalajangersaavoq.

Uanga paasinninnera unaavoq inatsisiliortup radio aamma tv pillugit inat-
simmi § 47-mi piginnaatitsinermigut “politikikkut” pilerisaarinernik aqutsi-
nermi allaffissornikkut annertunerusumik killilersuinissamik siunertaqarnis-
saanut inatsimmi tunngavissaqanngitsaq. Taamatut paasinninneq inatsit pil-
lugu oqaaseqaatini aammattaaq tunngavissaqanngilaq.

Tassani aamma ilaavoq radio aamma tv pillugit inatsimmi § 47-p, radio aam-
ma tv pillugit inatsimmi § 46-p paarlattuanik, inerteqqutitut aalajangersa-
gaannginnera, taamatullu atorneqarnissaata inatsisiliortunit eqqarsaatigine-
qarsimannginnera. Taamaallunni radio aamma tv pillugit inatsimmi § 47 tas-
saanngilaq oqariartuut aalajangersimasoq “saqqummiunneqassanersoq” aa-
lajangersagaq, tassaallunili oqariartuutip “qanoq iliorluni” saqqummiunne-
qassanera pillugu aalajangersagaq.

Uanga paasinninnera unaavoq Inatsisartut peqqussutaanni § 53-imi aalajangersagaq taamani atuuttoq imaluunniit radio aamma tv pillugit inatsimmi massakkut atuuttumi § 47 imarisatik malillugit imatut paasineqarsinnaangitsut nalunaarutip politikkimut tunngasutigut isummanik pilerisaarutini saqqummiussinissamut inerteqqutitallip aalajangersarneqarnissaa inatsisiliortunit Naalakkersuisunut piginnaatitsissutigineqarsimasoq.

7.2. Isumaqarpunga politikkimut tunngasutigut isummanik saqqummiussinerup pilerisaarutigineqarnissaannik inerteqquteqartoqassappat tamanna erseqqissumik qularnaatsumillu inatsisikkut tunngavissaqartariaqartoq.

Isumaqarpunga radio aamma tv pillugit inatsimmi § 47-mi ataatsimut piginnaatitsissutitut aalajangersagaq inatsisikkut tunngavissamik erseqqissumik qularnaatsumillu taamaattumik imaqaangitsoq.

Taamaattumik uanga paasinninnera unaavoq radio aamma tv pillugit inatsimmi § 46-mi aalajangersakkanit ersertut saniatigut inatsisiliortut politikkimut tunngasutigut isummanik saqqummiussinernik inerteqquteqarnissamut periarfissanik Naalakkersuisut annikillisaanissaat piginnaatitsissutigisimangikkaat.

7.3. Naalakkersuisoqarfiup uannut oqaaseqaataanit 19. marts 2021-meersumit erserpoq Naalakkersuisoqarfiup paasinninnera unaasoq radio aamma tv pillugit inatsimmi § 47-mi "pilerisaarutit imaannik" oqarnerup qanoq paasineqarnissaanik nalinginnaasumik nassuiarneqarnera imatut paasineqartariaqartoq aalajangersaanermi tassani pilerisaarutit politikikkut isummanut tunngasut pineqartunut ilaatinneqarsinnaasut.

Taanna pillugu oqaatigaara politikikkut partiit, kattusseqatigiit, kisimiillutik qinigassangortittut taakkulu suleqatigiiffiisa pilerisaarutigineqarnissaannut inerteqqut radio aamma tv pillugit inatsimmi § 46, imm. 2-meereersoq (tak. imm. 5.1 matuma siulianiittoq). Uanga paasinninnera unaavoq radio aamma tv pillugit inatsimmi § 47-p politikikkut isummat pilerisaarutiginissaannut

allatigut inerteqquteqarnissamut aqutsinermi allaffissornikkut aalajangersaanissamut piginnaatitsissutaaneranut tunngavissaqanngitsoq.

Taamaalillunga Naalackersuisoqarfiup radio aamma tv pillugit inatsimmi § 47-mi aalajangersakkami piginnaatitsissutip qanoq annertutiginerata qanoq paasineqarnissaanik naliliinera isumaqatiginngilara.

7.4. Ataatsimut isiginnillunga paasinninnera unaavoq radio aamma tv pillugit inatsit pilerisaarutit pillugit nalunaarummi § 17, imm. 2-p aalajangersarnissaanut inatsisikkut tunngavissamik imaqanngitsoq.

Naalackersuisoqarfik qinnuigaara oqaaseqaatiga Naalackersuisoqarfiup qanoq iliuuseqarnissaanut pissutissaqalersitsinersoq uannut nalunaarutigeqqullugu.

Oqaaseqaat manna oqaaseqaammi pineqartut kikkuussusii ilisarnarunnaarsillugit nittartakkanni tamanut saqqummiunneqarumaarpoq, 2021-milu ukiumoortumik nalunaarutinni eqqaaneqarumaarluni.

SULIAP INGERLASIMANERATA ALLAASERINEQARNERA

Oceans North Greenlandip videoliaata *"Aalisarnerup siunissaanik qulakkeerin-ninneq: Qalerallit inuiaqatigiinnut kalaallinut pingaarutaat"*-p KNR-ip Innut-taasunut paasissutissiiviani aallakaatinneqarnissaa Oceans North Greenlandip 18. december 2020-mi KNR-mut isumaqatigiissutigaa.

KNR-ip e-maili una Ilinniartitaanermut, Kultureqarnermut Ilageeqarnermullu Naalakkersuisoqarfimmut (massakkut Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfiusumut) 18. februar 2021-mi nassiuppaa:

"Pilerisaarutilerisutta "isiginnaagassiaq paasissutissiissut" una Oceans North-meersoq TV-tsinni innuttaasunut paasissutissiissutit maanna ikkuppaa.

Taanna ullumikkut maluginialersimavara unitsikkallarlugulu, immikkoortoq OBS-ip ataanut inissinneqassanersoq ilimagivallaannginnakku. Tassami suliniaqatigiiffimmit naalakkersuisutiguunngitsumit nassiussaavoq uagullu TV-mik aqqissuisoqarfimmi taamatut isikkoqartillugu aallakaatinniarsimangilarput.

Sapaatit akunneranni kingullermi GME-mit pilerisaarutip tunuartinneqarneranut atatillugu soqutigisaqaqatigiiffinit assigiinngitsunit "pilerisaarutininik" taamaattunik annikillissutaaniartussanik suliniutinik aallartitsivugut, ilimagaarpullu pilerisaarutit taamaattut siunissami amerliartuinnavissasut.

Kisianni "pilerisaarut" matumani pineqartoq sapaatit akunneranni kingullermi suliniuterput sioqqullugu nassiunneqarpoq, taamaalillutalu taanna oqaluuserinatigu. Aamma pilerisaarut imaluunniit paasissutissaq "piffissaq eqqorluinnarlugu" takkuppooq, maanna Aalisarnerq pillugu ataatsimiititaliarsuup suliani aallartilluarutto-raa.

Politikkikkut oqariartuutit assigisaasalu assigiinngissutaat takujuminaalaarput, qalerallip aalisarfiit ilaanni tammarnera, aalisakkat milliartuinnarnerat pissutigalugit aalisarnermut imminut napatissinnaanngitsumut ingerlasugut tamannalu kinguaatta aalisagartassaarunnerannik kinguneqarsinnaasoq isiginnaagassiami oqaatigineqarpoq, aammali oqaatigineqarluni pisassiissutininik il.il. aalajangersaane-

rit aalisarnermik inuussuteqartunik (aalisartunik) suleqatiginerisigut suliarineqartariaqartut.

Isiginnaagassiaq matuma kinguliani linkimiippoq aammalu Oceans Northip facebookimi quppernerani nassaarineqarsinnaalluni.

Apeqqutissara tassaavoq politikkimut attuumassuteqarpa, taamaattumillu KNR tv aqqutigalugu aallakaatinneqartariaqarani imaluunniit aallakaatinneqarsinnaanermi minut assuarnaannera naammannersoq?" (Ombudsmandeqarfimmi nutsigaa-voq)

Ilinniartitaanermut, Kultureqarnermut Ilageeqarnermullu Naalackersuisoqarfiup KNR e-mailikkut 19. februar 2021-meersukkut akivaa. E-mailimit tasannga makku erserput:

"Naalackersuisoqarfiup linki nassiunneqartoq maanna misissoreerpaa, Namminersornerullutillu Oqartussat nalunaarutaanni nr. 8-mi, 5. juli 2006-imeersumi § 17, imm. 2-mik unioqqutitsineq pineqarnerseq, tassalu assersuutigalugu politikkimut tunngasutigut isummat (qinersineq pillugu aallakaatitat pineqanngippata, suliamilu matumani taamaattoqanngilaq) tv-kkut pilerisaarutigeqqusaannginnerat pillugu apeqqut nalilerlugu. Politikikkut isummanut atatillugu pineqarput suliaasaqarfinni aalajangersimasuni, matumani naleqassutsinik agguataarinermut atatillugu inuiaqatigiit qanoq aaqqissuunnissaat maleruagassiornissaallu pillugit isummat oqariartuutillu ilanngullugit eqqarsaatigalugit. Kingulliullugu taaneqartumi assersuutigalugu aalisarnermi pisassiissutit il.il. pillugit apeqqut aamma ilaasinnaavoq.

Pilerisaarummi matumani pineqartumi aalisarnek pillugu politikkimik siunissamut ungasissumut atuuttussamik piujuartitsinermillu tunngaveqartumik ingerlatsisoqarnissaata pingaaruteqarnera isiginnaartartunut erseqqissaatigineqarpoq. Tamatumama peqatigisaanik aalisarnek pillugu politikkimik ingerlanneqartumi tunngavisat kingunerisassallu aalajangersimasut qitiutillugit aalisagaqassuseq pillugu apeqqut isummerfigeqqullugu isiginnaartartut toqqaannanngitsumik kaammattorneqarput.

Tamanna tunngavigalugu aalisarnek pillugu politikkimik piujuartitsinermik tunngaveqartumik ingerlatsinissap pingaaruteqarnera pillugu politikikkut isummat

pillugit paasissutissanik nalunaarutinillu ingerlatitseqqinneq pineqartoq qularutis-saanngilaq.

Allatut oqaatigalugu ilanngutassiaq aalisarneq pillugu politikkimut aalajangersima-sumut isummanik siuarsaataasunik ikorfartuisunillu imaqarpoq.

Taamaattumik ilanngutassiaq tv-kkut aallakaatinneqassappat tamanna inatsim-mik unioqutitsinerussaag.

Tassunga atatillugu siunissami sulianut atatillugu suliap sularineqarnerani isum-mat siuliani taaneqartut ilanngullugit isiginiarsinnaavasi, matumani pingaartumik pilerisaarut politikkimut tunngasutigut isummanik immikkut ittunik siuarsaataa-sinnaasutut isigineqarsinnaanersoq pillugu apeqqummut pingaartillugu ilanngul-lugu eqqarsaatigalugu.

[...]” (Ombudsmandeqarfimmit nutsigaavoq)

KNR e-mailikkut 19. februar 2021-meersukkut Oceans North Greenlandip suleqatigisartagaanut nalunaarpoq Oceans North Greenlandip videoliaa KNR-ip innuttaasunut paasissutissiiviani aallakaatinneqarsinnaajunaartoq. E-mai-limit makku erserput:

“Ajoraluartumik nalunaarfigisariaqarpakkit Oceans North Greenlandip pilerisaaru-titut filmiliaa KNR-ip innuttaasunut paasissutissiisarfiatigut aallakaateqqusaajun-naarmat.

Naalakkersuisoqarfiup inatsisilerituuani imatut paasitinneqarpunga:

“Naalakkersuisoqarfiup linki nassiunneqartoq maanna misissoreerpaa, Nammi-nersornerullutillu Oqartussat nalunaarutaanni nr. 8-mi, 5. juli 2006-imeersumi § 17, imm. 2-mik unioqutitsineq pineqarneris, tassalu assersuutigalugu po-litikkimut tunngasutigut isummat (qinersineq pillugu aallakaatitat pineqan-ngippata, suliamilu matumani taamaattoqanngilaq) tv-kkut pilerisaarutigeqqu-saannginnerat pillugu apeqquq nalilerlugu. Politikkimut tunngasutigut isummat imatut paasineqarput taakku tassaasut inuiaqatigiit suliassaqarfinni aalajanger-simasuni, matumani nalilinnik agguataarinerit ilanngullugit eqqarsaatigalugit, qanoq ilusilersuisoqartussaana pillugu isummat, isummernerit oqaaseqaa-

tillu. Taaneqartumi kingullermi ass. aalisagartassiissutit il.il. pillugit apeqqut aamma pineqartunut ilaatinneqarsinnaavoq.

Pilerisaarummi pineqartumi aalisarnermi siunissaq ungasinnerusoq eqqarsaatigalugu nungusaataanngitsumik politikkeqarnissap pisariaqarnera isiginnaartunut malugeqqullugu oqaatigineqarpoq. Isiginnaartut tamatumunnga peqatigitillugu toqqaannanngikkaluamik kaammattorneqarput aalisagaqassuseq pillugu apeqqut isummerfigeqqullugu, aalisarnermi politikkerineqartumi immikkoortut aalajangersimasut poltikerineqartullu kingunerisassai qitiutillugit.

Tamanna tunngavigalugu qularutigineqarsinnaanngilaq pineqartoq tassaasoq aalisarnermi nungusaataanngitsumik politikkeqarnerup pingaaruteqassusia pillugu politikikkut isummat pillugit paasissutissanik isummernernillu ingerlatitseqqinneq.

Allatut oqaatigalugu ilanngutassiaq aalisarnerq pillugu politikkimut aalajangersimasumut isummanik siuarsaataasunik ikorfartuisunillu imaqarpoq.

Taamaattumik ilanngutassiaq tv-kkut aallakaatinneqassappat tamanna inatsimmik unioqqutitsinerussaaq.”

Inuit suleqatigisatit ilisimatilaarigit suliamillu nassuiaallugit.” (Ombudsmandeqarfimmi nutsigaavoq)

Eqqartuussissuserisoq Jonas Christoffersen e-mailikkut 25. februar 2021-meersukkut Oceans North Greenland sinnerlugu uannut naammagittaalliorpoq. Naammagittaalliummit ilaatigut makku erserput:

”Oceans North Greenlandip isiginnaagassiaata naatsup ”Aalisarnerup siunissaanik qulakkeerinnineq: Qalerallit inuiaqatigiinnut kalaallinut pingaarutaat”-p aallakaatinneqannginnissaanik KNR-ip 19. februar 2021-mi aalajangigaa aamma isiginnaagassiap naatsup aallakaatiinnarneratigut tamatuma inatsimmik unioqqutitsineruneranik KNR-ip uparuarneqarnissaanik Naalakkersuisut aalajangiinerat ullulerneranngitsoq Oceans North Greenlandimut eqqartuussissuserisutut matumuna naammagittaalliuutigaakka.

[...]

Oceans North Greenlandimit siullertut erseqqissaatigineqarpoq radio tv-lu pillugit nalunaarummi 5. juli 2006-imeersumi § 17, imm. 2 radiokkut tv-kkullu aallakaatitsisarneq pillugu Inatsisartut inatsisaanni nr. 7-imi, 8. juni 2014-imeersumi § 46-mik aalajangersakkanik imaattunik imaqartumik tunngaveqanngimmat:

"Nakorsaatit, tupat, immiaaqqat, viinnit imigassallu kimittuut pilerisaarutitut ilanngunneqaqqusaanngillat, taamaattorli tak. imm.3.

Imm. 2. Taamattaaq upperisarsioqatigiit aamma politikkikkut partiit, kattusse-qatigiit kisimiillutillu qinigassanngortittut taakkuluunniit suleqatigiiffii tv-kkut pilerisaarutitut ilanngunneqaqqusaanngillat, taamaattorli tak. imm. 3.

Imm. 3. Naalackersuisut imm. 1-imi 2-milu inerteqqutit avaqqunneqarsinnaaneri pillugit maleruagassiorsinnaapput."

Taamaalilluni politikkimut tunngasutigit isummanik pilerisaaruteqarnissamut inerteqquteqanngilaq, taamaattumillu politikkimut tunngasutigit isummanik pilerisaaruteqarnissamut inerteqquteqarneq pillugu malittarisassanik radio tv-lu pillugit nalunaarummi § 17, imm. 2-mi Naalackersuisut aalajangersaasinnaanngillat.

Soorunami assersuutigalugu politikkikkut partiit qinigassanngortittulluunniit atasiakkaat pilerisaarisinnaanerannut inerteqquteqarnerup nassatarissavaa partiit qinigassanngortittulluunniit politikkimut tunngasutigit isummaminnik pilerisaarisinnaanerat killeqassammat, imaanngilarli politikkimut tunngasutigit isummanik pilerisaaruteqarsinnaanermut nalinginnaasumik inerteqqummik atuuttoqartoq imaluunniit aalajangersaasoqarsinnaasoq. Radiokkut tv-kkullu aallakaatitsisarneq pillugu Inatsisartut inatsisaanni nr. 7-imi, 8. juni 2004-meersumi § 52, imm. 3 politikkimut tunngasutigit isummanik pilerisaaruteqarsinnaanermut inerteqqutitnik imaqanngitsoq tunngavigalugu radio tv-lu pillugit nalunaarummi § 17, imm. 2 taamani atuuttussanngortinneqarmat tamanna aamma atuutinngilaq.

Naalackersuisut Ilinniartitaanermut, Kultureqarnermut Ilageeqarnermullu Naalackersuisoqarfik aqputigalugu Inatsisartut inatsisaanni § 54 malillugu radiokkut tv-kkullu aallakaatitsisarneq pillugu malittarisassanik ilaatigut KNR malinninnersoq nakkutilliivigaat, Naalackersuisullu nakkutilliinermik ingerlatsinermik taassuma ilaatut inatsimmik unioqqutitsinernut uparuaasinnaallutik. Politikkimut tunngasutigit isummanut pilerisaarutitnik takutitsineq inatsimmik unioqqutitsinerunngimmat, KNR-ip Innuttaasunut paasisutissiisarnerata ilaatut Oceans North Green-

landip isiginnaagassiaa naatsoq sulii takutinneqartarpat tamatuma inatsimmik unioqqutitsinerunera pillugu KNR Naalakkersuisunit uparuarneqarsinnaangilaq.” (Ombudsmandeqarfimmi nutsigaavoq)

Ilinniartitaanermut, Kultureqarnermut Ilageeqarnermullu Naalakkersuisoqarfik allakkatigut 9. marts 2021-meersutigut qinnuigaara suliami allagaatit apeqquutillu uku marluk pillugit nassuiaat uannut nassiusseqqullugit:

”1) Naalakkersuisoqarfiup paasinninnera unaanersoq Oceans North Greenlandip videoliaa pilerisaarutaasoq.

2) Radio aamma tv pillugit inatsimmi tunngavissaq sorleq tunngavigalugu pilerisaaruteqartarnermut nalunaarummi § 17, imm. 2 Naalakkersuisoqarfimmit aalajangersarneqarsimanersoq.”

Ilinniartitaanermut, Kultureqarnermut Ilageeqarnermullu Naalakkersuisoqarfiup allakkatigut 19. marts 2021-meersutigut ilaatigut imatut akivaanga:

”Pilerisaarut pineqarnersoq pillugu apeqquummut tunngatillugu tv-kkut ilanngutassiami ilaatigut maannakkut aalisarnerni ajornartorsiutinik aaqqiinarnerni ilisimasat aamma uumassusilerituut najukkanilu suleqataasut suleqatigineqarnerat tunngavigalugit pisassiissutaasunik malinnittalernissap tungaanut sulinerit ilanngunneqartut takuneqarsinnaasoq oqaatigineqassaaq. Taamatuttaaq akuersissutinik pisasseeriaatsinillu killilinnik eqaatsunilli atuinissat naleqquttuunerat aamma inatsisit aqutsinerlu siunissaq ungasinnerusoq piujuartitsinermilu tunngavillit qitiutillerlugit allannguinnissat illersorneqarput. Tunngaviit oqaatigineqartut tv-kkut ilanngutassiami sivisuumik iluatsitsinissamut najoqqutassatut oqaatigineqarput, tamatumani siunissami ungasinnerusumi anguniagassat ilanngunneqarnissaat pingaartinneqarlutik. Naggataatigut Kalaallit Nunaanni nungusaataangitsumik aalisarnerit tapersersoqqullugit kajumissaarut aamma annonceliisoq sukkuut malinnaaffigineqarsinnaanersoq pillugu innersuussutit saqqummiunneqarput. Allatut oqaatigalugu aalisarneq pillugu aalajangersimasumik politikkimik atuuttussanngortitsinermi iluaqutinik pilerisaarinertut ittunik isummanik aalajangersimasunik nalunaarutiginninnerusoq pineqartoq qularutissaangilaq. Pilerisaarineq pineqartoq tamanna tunngavigalugu radio aamma tv pillugit inatsimmi § 44, imm. 1 aamma 2 tunngavigalugu nalilerlerneqarpoq. Allatut oqaatigalugu ilanngutassiaq

aalisarneq pillugu politikimik aalajangersimasumik atuuttussanngortitsinissamik siuarsaneq pilerisaarinerlu pillugit taamaallaat nalunaarutiginninneruvoq.

[...]

Ombudsmandip pilerisaarutit pillugit nalunaarummi § 17, imm. 2-mut tunngatillugu inatsisikkut tunngavissaq pillugu apeqqutaanut tunngatillugu pilerisaarineq pillugu nalunaarummi radiokkut tv-kkullu aallakaatitsisarnerit pillugit Inatsisartut peqqussutaanni nr. 6, 14. novembari 2004-meersumi aalajangersakkanik arlalinik inatsisitigut tunngavissaqartoq oqaatigineqassaaq (§ 52, imm. 3, § 53, § 54, imm. 8, § 55, 56, imm. 3 aamma § 59, imm. 2).

[...]

Tamatumunnga ilassutitut Radiokkut tv-kkullu aallakaatitsisarneq pillugu Inatsisartut peqqussutaanni nr. 6-imi, 14. november 2004-meersumi § 53-imi ilaatigut pilerisaarutit imarisaat pillugit malittarisassat Naalakkersuisut aalajangersarsinnaagaat ersarissumik allassimavoq, tamatumani aalajangersakkap oqaasertai aallaavigalugit pilerisaarutit imarisaat pillugit ilassutitut malittarisassanik allaffisornikkut aalajangersaasoqarsinnaalerpoq, tassunga ilanngullugit assersuutigalugu aalajangersimasumik aallakaatitsisarnermi (TV) imarisat aalajangersimasut assersuutigalugu pilerisaarinerit inerteqqutigineqarsinnaallutik. Tamanna paasinittasimit "pilerisaarutit imaannik" nalinginnaasumik nassuiaanermi aamma aalajangersaaneq politikki pillugu isummertarnermut tunngasumik pilerisaarinermut tunngasinnaavoq.

Aammattaaq Naalakkersuisut ilaatigut pilerisaarutit imarisaat pillugit malittarisassanik aalajangersaasinnaatitaanerat pillugit Inatsisartut inatsisaanni atuuttumi § 47-mik nassuiaammi manna tikillugu Inatsisartut peqqussutigisaanni taamatut assingusumik piginnaatitsineq radiomi tv-milu pilerisaarutit aallakaatitassianillu aningaasalersuisarnerit pillugit Namminersornerullutik Oqartussat nalunaarutaannik nr. 8-mik, 5. juli 2006-imeersumik aalajangersaanermi atorneqarsimavoq."

Naalakkersuisoqarfiup allagaasa assilinerat suliameq allagaatinut ilanngunneqarsimavoq.

Ilinniartitaanermut, Kultureqarnermut Ilageeqarnermullu Naalakkersuisoqarfiup oqaaseqaataa eqqartuussissuserisumut Jonas Christoffersenimut 13. april 2021-mi nassiuppara, taamaalilluni Oceans North Greenland Naalakkersuisoqarfiup suliaq pillugu isumaanik isummerfiginninnissaanut periarfissillugu.

Eqqartuussissuserisup Jonas Christoffersenip e-mailikkut 22. april 2021-meersukkut akivaanga:

”Ombudsmandimut

Allakkat 13. april 2021-meersut innersuussutigalugit paasissutissiissutigisinnava oqaaseqaatissara ataasiinnaasoq.

Nalunaarutip inatsimmik tunngaveqanngitsup ukiuni arlalinni malugineqarnani atuuttup inatsisikkut tunngavissamik ajornartorsiuteqarneq aaqqissinnaangilaa.”
(Ombudsmandeqarfimmi nutsigaavoq)

E-maili imaattoq Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfiup uannut 12. juli 2021-mi nassiuppara:

”Suliaq Oceans Northip KNR-TV-imi ussassaarusiaanut tunngasoq 16. juni 2021-meersoq pillugu Ombudsmandip oqaaseqaataa Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfiup tiguua misissorlugu. Ombudsmandi inatsisitigut toqqammaviumut §17, imm. 2 radiomi tv-milu pilerisaarutit aallakaatitassianillu aningaasalersuisarnerit pillugit Namminersornerullutik Oqartussat nalunaarutaat nr. 8, 5. juli 2006-meersumut tunngasumik oqaaseqaateqarpoq.

Ombudsmandip oqaaseqaataa Naalakkersuisut nalunaarutaannut attuumassuteqarmat sukkanerpaamik Naalakkersuisunut ingerlateqqinneqassaaq.

Kiisalu ilisimatitsissutigissavara suliaq Naalakkersuisunit suliarineqareerpat Ombudsmandi nalunaarfigineqarumaartoq.”

E-maili imaattoq Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfiup uannut 9. august 2021-mi nassiuppaa:

“Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfiup Ombudsmandimut matumuuna ilisimatitsissutigissavaa Ombudsmandip radiomi tv-milu pilerisaarutit aallakaatitassianillu aningaasalersuisarnerit pillugit Namminersornerullutik Oqartussat nalunaarutaanni nr. 8-mi, 5. juli 2006-imeersumi § 17, imm. 2 pillugu oqaaseqaataanut atatillugu Ombudsmandip Oceans Northimit naammagittaalliummik suliarinninnera Naalakkersuisut 5. august 2021-mi ataatsimiinnerminni oqaluuserisimagaat.

Tassunga uiggiullugu oqaatigineqarsinnaavoq radiomi tv-milu pilerisaarutit aallakaatitassianillu aningaasalersuisarnerit pillugit Namminersornerullutik Oqartussat nalunaarutaanni allannguut pillugu nalunaarut nr. 37, 6. august 2021-meersoq Naalakkersuisut tamanna tunngavigalugu akuerigaat.” (Ombudsmandeqarfimmi nutsigaavoq)

Radiomi tv-milu pilerisaarutit aallakaatitassianillu aningaasalersuisarnerit pillugit Namminersornerullutik Oqartussat nalunaarutaat kakkiunneqarsimavoq. Nalunaarummit erserpoq radiomi tv-milu pilerisaarutit aallakaatitassianillu aningaasalersuisarnerit pillugit Namminersornerullutik Oqartussat nalunaarutaanni nr. 8-mi, 5. juli 2006-imeersumi § 17, imm. 2 atorunnaarsinneqartoq.

Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfiup oqarasuaatikkut 9. august 2021-mi oqaatigaa allannguut pillugu nalunaarut KNR-imut aamma Oceans North Greenlandimut taamatuttaaq nassiunneqarsimasoq. Aalajangiineq eqqartuussissuserisumut Jonas Christoffersenimut pilertorneqarpaamik aamma nassiunneqarniartog Naalakkersuisoqarfiup uppersarsarpaa.